

Erref.: FMR/Legelari aholkularia

DAVID LATXAGA UGARTEMENDIAK, BIZKAIKO GIZARTE URGAZPENERAKO FORU
ERAKUNDEAREN GOBERNU BATZORDEKO IDAZKARIAK

HAU ZIURTATZEN DU:

2024ko abenduaren 18ko bilera arruntean (4/24 akta), Bizkaiko Gizarte Urgazpenerako Foru Erakundearen Gobernu Batzak, besteak beste, honako erabaki hau onetsi zuen:

11. gaia.- GUFEn 2024rako Enplegu Publikoaren Eskaintza onartzea.

«**Bakarra.**- 2024. urterako Bizkaiko Gizarte Urgazpenerako Foru Erakundeko (GUFEn) enplegu publikoaren eskaintza onestea, eranskinak ezartzen duen baldintzetan».

Eta hala jasota gera dadin, erabakitakoa betetzeko, eta bileraren akta onartzeak aldaketak eragin ditzakeela kontuan hartuta, ziurtagiri hau egin dut.

Sin./Fdo.: DAVID LATXAGA UGARTEMENDIA 2024-12-23
GUFEn GOBERNU BATZORDEKO IDAZKARIA
SECRETARIO DE LA JUNTA DE GOBIERNO DEL IFAS





ERANSKINA

-I-

BIZKAIKO GIZARTE URGAZPENERAKO FORU ERAKUNDEAREN (GUFE) 2024KO ENPLEGU PUBLIKOAREN ESKAINTZA.

1. artikulua

Euskal Enplegu Publikoari buruzko abenduaren 1eko 11/2022 Legearen 51., 52. artikuluan eta berorrekin bat datozenetan; Enplegatu Publikoaren Oinarrizko Estatutuari buruzko Legearen testu bategina onesten duen urriaren 30eko 5/2015 Legegintzako Errege Dekretuaren 70. artikuluan; 2023rako Estatuko Aurrekontu Orokorrei buruzko abenduaren 23ko 31/2022 Legearen 20. artikulua, batetik laugarrenerako paragrafoak, 2024rako luzaturiko Legea; eta 2024rako Bizkaiko Lurralde Historikoko Aurrekontu Orokorrei buruzko abenduaren 29ko 10/2023 FORU ARAUAREN 14. artikuluan xedatzen dena betez, Bizkaiko Gizarte Urgazpenerako Foru Erakundearen Enplegu Publikoaren Eskaintza onesten da, erabaki honetan ezartzen den eran.

2. artikulua

1. Honako plaza hauek sartzen dira Enplegu Publikoaren Eskaintzan: hala aurrekontuko zuzkidura eduki eta deialdi-prozesu batean ez dauden plaza hutsak nola aurrekontuko zuzkidura eduki eta bitarteko langileen edo aldi baterako langileen bitartez beteta dauden plaza hutsak, baldin eta plaza horietarako deialdia oraindik eginda ez badago. Guztira, 44 plaza dira; haietariko 31 txanda irekikoak dira, eta 13, berriz, barne-sustapenekoak. Erabaki honen eranskinean jasotzen dira plazen kuantifikazio ordenatua eta banakapena.

2. Horrela adierazitako enplegu-eskaintzak berekin ekarriko du hautaketa-prozesuetarako deialdia egitea konprometitutako plazetarako eta enplegu publikoaren eskaintza honetako plaza guztiekiko ehuneko hamar gehigarriako, eskaintza hau onartu zenetik sortutako lanpostu hutsak daudenean. Dagokion deialdiak zehaztu beharko du plazak gehitzeko prozeduraren zein fasetan egingo den. Nolanahi ere, eskaintza hori hiru urteko epe luzaezinean gauzatu beharko da. Eranskinean jasotako plaza hutsak ez daude konprometituta beste enplegu-eskaintza batean, ezta deialdi-prozesuan ere.

3. artikulua

1. Euskal Enplegu Publikoari buruzko Legearen 74. artikuluko 1. eta 2. zenbakietan jasotako zehaztapenak betez, euskal sektore publikoko enplegu publikoaren eskaintzetan kupo bat gordeko da, gutxienez deitutako lanpostu hutsen ehuneko zazpikoa, desgaitasunen bat duten pertsonak bete ditzaten. Halakotzat hartuko dira indarreko legerian zehazten direnak, administrazio bakoitzeko langile guztien ehuneko bira iristeko. Enplegu publikora iristeko, izangai horiek hautaketa-prozesuak gainditu beharko dituzte, eta desgaitasuna egiaztatu beharko dute, bai eta desgaitasuna eta eginkizunak betetzea bateragarriak direla ere. Plazen erreserba hori dagozkien deialdietan banatuko da.

2. Honela egingo da plazen % 7ren erreserba: desgaitasun intelektuala edo mentala duten pertsonak beteko dute eskaintako plazen % 2 gutxienez; gainerako plazak, berriz, beste edozein desgaitasun mota dutenek beteko dituzte.





3. Desgaitasuna duten pertsonentzat erreserbatutako plazak sarrera arrunteko plaza-deialdian sartu ahal izango dira, edo aparteko txanda batean.

4. Desgaitasuna duten pertsonak gainerako hautagaien baldintza berberetan onartuko dira GUF EK deitutako hautaketa-prozesuetan.

5. Egiten diren hautaketa-prozesuetan, behar diren neurriak hartuko dira, hala eskatzen duten desgaitasuna duten pertsonentzat, denbora eta bitartekoen arrazoizko egokitzapenak eta doikuntzak ezar daitezzen, eta, prozesu horiek gainditu ondoren, behar diren egokitzapenak egingo dira lanpostuetan, desgaitasuna duten pertsonen beren zeregin profesionalak behar bezala bete ahal izan ditzaten.

6. Artikulu honen ondorioetarako, desgaitasuna duten langileak honakoak izango dira: Lan eta Gizarte Segurantzaren Ministerioaren 1984ko martxoaren 8ko Aginduaren arabera egoera hori aitortuta dutenak, eta abenduaren 23ko 1971/1999 Errege Dekretuaren arabera, organo eskudunen batek (IMERSO, Bizkaiko Foru Aldundiko Gizarte Ekintza Saila edo baliokideren bat) % 33ko edo gehiagoko desgaitasun maila aitortua dutenak.

7. Aurreko paragrafoetan adierazitako kasuetan, desgaitasuna duten pertsonentzat erreserbatutako plazak eskatzen dituzten hautagaiek honakoa egiaztatu beharko dute, organo eskudunek emandako ziurtagirien bidez: batetik, desgaitasun hori dutela eta, bestetik, eskatutako plazetan egin beharreko lanak eta eginkizunak egiteko gaitasuna dutela.

4. artikulua

1. Eranskinean berariaz horretarako jasotako plazak eskainiko dira barne-sustapenean, eta plaza horiek kopurua ez da kontuan hartuko baliabideen birjarpen-tasaren ondoriozko plazen gehieneko mugaren barruan. Bizkaiko Foru Aldundiko eta beraren erakunde autonomoetako lan-kontratadun langileen lan baldintzak arautzen dituen hitzarmenaren testu bateginaren 103.1 artikuluan ezarritakoarekin bat, gutxienez plazen % 33koa eta gehienez % 50ekoa izango da barne-sustapenean deitutako plazen erreserbaren ehunekoak.

2. Barne-sustapenerako erreserbatutako plazak betetzeko, deialdi bateratu bat egin ahal izango da sarrera arrunteko plazekin batera, edo, bestela, beste deialdi bat, txanda independente batean.

3. Barne-sustapenez sartzeko, kasu bakoitzaren deialdian ezarritako probak gainditu behar dira.

4. Barne-sustapenerako erreserbatutako plazaren bat hutsik geratzen bada, plaza horiek txanda irekiko plazei gehituko zaizkie.

5. artikulua

1. Euskal Enplegu Publikoari buruzko abenduaren 1eko 11/2022 Legearen XIII. tituluan ("Hizkuntza Normalizazioa") eta Euskal Sektore Publikoan euskararen erabilera normalizatzeko otsailaren 22ko 19/2024 Dekretuan xedatutakoa betez, aipatutako 11/2022 Legearen 187. artikulua eta horrekin bat datozenak aipatuta, aipatutako Dekretuaren 38. artikuluan ezarritakoarekin lotuta, eta kontuan hartuta enplegu-eskaintza plazak deitzeko dela eta ez zuzenean lanpostuak deitzeko, egun lanpostuen hizkuntza eskakizunak lanpostuen zerrendetan adierazita daudela eta Eusko Jaurlaritzako organo eskudunek epealdi honetan dagoeneko onartu diren lanpostuei buruz emandako txostenekin bat datozela.





2. Derrigorrezko hizkuntza eskakizuna duten plazetan, hizkuntza eskakizuna nahitaez bete behar da plazara sartzeko, eta egiaztapena deialdiaren oinarrietan zehaztutako eran egingo da.

3. Eskaintako gainerako plazetan, euskararen ezagutza merezimendutzat joko da eta, beraz, puntuazioan ehuneko bat lortzea ekarriko du. Ehuneko hori ez da inola ere hautaketa-prozesuaren gainerako probetan guztira gehienez lortu daitekeen puntuazioaren ehuneko bost baino txikiagoa izango, ezta ehuneko hogeitahi baino handiagoa ere.

6. artikulua

Hautaketa-prozedurak modu arrazionalizatuan eta eraginkorrean egin daitezten, 2024. urteko enplegu publikoaren eskaintza honetako plaza batzuk metatu ahal izango dira, hala badagokio, GUFEn 2021eko, 2022ko eta 2023ko urteetako enplegu publikoaren eskaintzetan eskaintako antzeko plazekin, egiten diren deialdi berezietan sartuta; beraz, baliteke enplegu publikoaren eskaintza guztiak aldi batera gauzatea, hautaketa-prozesuaren deialdi bakar baten bidez; deialdi horretan eskaintza horietako plaza huts guztiak eskainiko dira.

AZKEN XEDAPENA

Erabaki honek Bizkaiko Aldizkari Ofizialean argitaratzen den egunetik izango ditu ondorioak, Bizkaiko Aldizkari Ofizialean argitaratzeari kalterik egin gabe.

-II-

BIZKAIKO GIZARTE URGAZPENERAKO FORU ERAKUNDEAREN (GUFE) 2024KO ENPLEGU PUBLIKOAREN ESKAINTZA

Plaza kodea	Plazaren izena	Lanpostu hutsen kopurua	Txanda irekia		Barne-sustapena		
			Derrigorrezko HE	Derrigorrezkoa ez den HE	Derrigorrezko HE	Derrigorrezkoa ez den HE	
2000110	GOI-MAILAKO TEKNIKARIA	1	1				
2000421	GIZARTE-HEZITZAILEA	10	5	2	1	2	
2000444	GIZARTERATZEKO GOI-MAILAKO TEKNIKARIA	9	7		1	1	
2000550	OSASUN-LAGUNTZAILEA	15	7	1	5	2	
2000710	ETXEBIZITZAKO SUKALDARI-ZERBITZARIA	1	1				
2000823	DELINEAZIOKO TEKNIKARI ESPEZIALISTA	1	1				
2000720	ZERBITZARI-GARBITZAILEA	7	3	3			1
	TOTAL (*)	44	25	6	7	6	

(*) Desgaitasuna duten pertsonen betetzeko diren plaza hutsen erreserban, hiru (3) plaza sartuko dira; plaza horiek – hala egin behar bada – dagozkien deialdien artean banatuko dira

